



Universitätsbibliothek Paderborn

Metropolis Salisvrgensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

De Minoritico conuentu Ingolstadiensi. Conu. II.

urn:nbn:de:hbz:466:1-13578

sequentes deuotè visitauerint, fauorem, eandem prorsus plenariam indulgentiam, Monasterio S. Mariae de Angelis prope Assissium (hanc de Portiuncula nuncupant) à secundis vespereis diei festi S. Petri ad Vincula usque ad diei sequentis solis occasum, à summis Pontificibus concessam, ex paterna pietate atque ad prefati Gabrielis Ridlerij instantiam impertitus est. Præfatorum verò fundatorum, alter Gabriel scilicet Ridlerius in omni euentu opportunè adfuit: alter verò Vincentius nempe Ridlerius, relicto sæculo, atque eius illecebris, pauperulisque fratribus, sub Minoritico habitu adiunctus, Christum pauperem sequi voluit. Sub cuius tandem vexillo adeo profecit, ut in præstantissimum religiosum, arque doctissimum tum Philosophiæ, tum quoque Theologiæ lectorum, ac tandem in Bauaria Custodem euaserit. Obiit mortem, atque in huius loci Ecclesia sepultus est tantus hic pater, sub anno Domini 1408, cui R.P.F. Michael à Sesena generalis olim totius nostri Ordinis Minister & R.P.F. Albertus Solonensis Episcopus, & Monialium Princeps frater Guilielmus Ocham Franciscanus & doctissimus pater frater Bonagratia à Pergamo V.I.D. & P.F. Gasparus Scatzgerus Custos Bauariae & Guardianus Monacensis, qui multis editis operibus accerrimè bæresim Lutheranam, sub primis eius initiis, impugnauit, diemque extremum, clausit, anno domini 1527. distinctis tamen in sepulchrishærent. Eadem in Ecclesia, honestissimo tamen loco, corpus beati patris Marquardi de Meismaler, qui post diutinam grauissimamq; infirmitatem, cum sanctissimè obiisset, & cœcum illuminauit, & contractum hominem pristinæ rectificationi restituit, ac plurimi alii miraculis claruit, reconditum est. Pertinuit denique hic conuentus, à secunda sui erectione ad annum usque domini 1480, ad Conuentuales Franciscanos patres: sed iis ex prefatis summi Pontificis, ad pientissimi tamen Bauaria Ducis, atque Federici Germanorum Imperatoris generi instantiam, alio translati, ad huius Provinciæ Observantes deflexit. Cuius incola quadragenarium numerum attingunt.

De Minoritico conuentu Ingolstadiensi.

Conu. II.

INGOLSTADTUM præstantissima Bauaria ciuitas, iuxta Danubium flumen sita, atque florentissima Academia illustris, statim à Franciscanæ Religionis exordio, solerti pientissimorum Ludouici & Anne à Polonia eius coniugis Bauaria Ducum opera, Minoritas amplexata est. Hi namque heroes, de R. Hildeprandi Aichstadiani Episcopi (cuius eæ partes erant) consensu, Minoriticum Monasterium, non longè à prefatæ ciuitatis moenibus, anno 1245. cōstrui curarunt, tanti interim operis executorem constituentes perdeuotum Vibordum Rorbachium Ingolstadiensem Iudicem, atque Præfectum, qui infra breuissimi temporis spaciū magnifice satis absolui fecit fratribusque tradidit. Subiacuit tamen huiusmodi conuentus ad annum usque Domini 1466. Conuentualibus patribus: sed iis præstantissimi Principis atque Bauariæ Ducis Ludouici opera aliò translatis, ad fratres huius Provinciæ Observantes declinauit. Inhabitatur à cætero hic Conuentus à 30. religiosis quorum maior pars diuinis atque humanis literis sedula nauat operam, publicasq; Ingolstadienses scholas vel lectiones auditura, vel de propositis thesibus disputatura, frequentat: insuper & Reuerendissimi patris fratris Gulielmi Berto generalis Ultramontanæ familie Vicarij, qui anno Domini 1481. iniuncti vero muneri 3. maximum sui desiderium (erat enim bonus pater) omnibus relinques, ex hac vita migrauit, funere honestatur.

De Mi.